

[1]「大個仔／女」好多時指嘅唔止係字面上嘅年紀大咗咁簡單，仲係小朋友表達自己已經有能力做更多嘢嘅意思。

[2]五歲小朋友喺香港已經讀緊幼稚園高班(K3)，預備第二年升小學。

[3]喺學術上，香港嘅小朋友的確由細到大都有好超齡嘅訓練，但實際生活技能方面就未必真係識做咁多嘢。

[4]講起樓梯，香港有一條好長嘅「樓梯街」，你知唔知喺邊？答案係上環！佢成條街都係樓梯嚟，全長350米，經過荷李活道、四方街等街道。

[5]「我得咗喇」或者「阿媽，我得咗喇」係香港人常講嘅一句說話，表示終於成功做到一件事。

[6]你知唔知道香港最高嘅山係邊座山？答案係大帽山，有成957米高㗎！第二高嘅就係934米嘅鳳凰山。

[7]喺香港，有冇扶手或靠背都可以叫做「橈」。

[8]「細路仔」通常係指12歲以下嘅小朋友，又可以叫做「細路哥」或「細蚊仔」。「細路」同「細佬」個音好似，但「細佬」係指有血緣嘅「弟弟」。

[9]細路仔最鍾意「打爛沙盆問到篤」，英國一份調查發現，一個四歲嘅英國小朋友平均每日會問73個「點解」，真係問到啲家長頭都大埋㗎！

[10]細路仔對周圍世界感到好奇，會成日搞高搞低好正常。但年紀太細㗎喇，有家長喺身邊睇住會安全㗎。

[11]遇到危險時識得叫「救命」係好重要㗎！真係有咩事可以打999搵警察或打2735 3355叫白車（即救護車）。

[12]而家香港父母嘅教育方式已經唔似老一輩，多咗父母會選擇放手畀子女嘗試，從錯誤中學習。

[13]喺華人社會，男仔喊會被視為軟弱嘅表現，正所謂：「男兒有淚不輕彈」、「男人大丈夫，流血不流淚」，小朋友都唔例外。

[14]「落嚟」除咗字面嘅指一個人由高處移到低處，喺香港亦可以指人由中國大陸南下嚟香港，例如：「你喺落嚟啊？」